

欽定秘殿珠林續編

欽定秘殿珠林續編

第四

乾清宮藏

列朝名人書畫

吳彬臨李公麟畫羅漢

一卷

本幅素綾本。縱一尺。橫五丈四尺二寸。白描畫五百羅漢。款枝隱頭陀。吳彬倣龍眠筆法。鈐印三。吳彬。吳彬之印。文中父。

鑒藏寶璽

八璽

謹按吳彬字文中莆田人。畫山水人物嘉靖時召見授工部主事。謝肇淛謂佛像遠即不敢追道子。近亦足力敵松雪。

吳彬畫五百羅漢 一卷

本幅宋綾本。縱一尺五分。橫七丈九尺三寸三分。設色畫五百羅漢。松枝隱頭陀。吳彬齋心拜寫。鈐印二。吳彬之印。文中父。

鑑藏寶璽

八  
全

吳彬畫十八應真一卷

〔本幅〕宣紙本。縱一尺。橫一丈七尺八寸五分。  
設色畫十八應真。或坐或行。侍者携具。或乘  
蛟犀。或駕異獸。具種種不可思議狀。款乙卯  
春日。寫於繡佛居。篆書吳彬鈐印二。吳文中氏  
吳彬之印。

御題行書。

賞休十八應真圖。文中斯別開生面。形狀奇恠。

夙所稱耳熟聞之目新見。蒼鱗若龍若非龍。擎

爪來聞法以現。第一據樹坐椀鉢多羅。鴉鵲來餐

香積飯。第二飄然白鶴駕以降。屈眴七條披已慣。

第三數珠在手。第四把明珠。第五自搖蕙其貌顛。第六

端立左鈴而右杵。第七扶童者迴領彼岸。第八是皆

渡海履水物。水物猙獰名不辨。伯持貝葉。第九仲

含羅。第十白澤曳輪坐以晏。別有袖手乘騫槎。第十一

一相參法喜作佳伴。據石入定若無入。第十二半

哀跪伏如猫。養傍見共謔。二大士。其一點坐。第十

三。一持扇。第十似步而迴。更迴顧。第十臃腫披

縮目光炫。第十跏趺相對談。二禪云。空。第十云

色。第十色空幻。是為不二法之宗。繡佛居士說

法徧。向曾韻統考同文位號次第。訂梵漢。莆田

愚者不羈士。傳神何礙。後前神。長歌笑我尚拘

墟。山陰訝似鏡中按。乾隆乙巳仲秋。御題。鈴

寶二。古稀天子。猶日孜孜。

引首

御筆。游藝神通。鈴寶一。古希天子之寶。

鑒藏寶璽

八璽金

古希天子五福五代堂古稀天子

寶壽八徵耄念之寶。垂露成性存存。菑畲經訓。意在筆先。落紙雲烟。天地為師。几席有餘香。



吳彬畫十六應真 一卷

本幅宣德牋本縱一尺橫一丈二尺八寸三分設色畫大士及十六應真款萬曆辛卯歲於溫陵客舍圖之吳彬

篆書在石上

鈐印三文中

製吳彬印金粟如來後身

引首應真變現衆香居米萬鍾書鈐印三書畫船米萬鍾字仲詔西方之人兮

後幅般若波羅蜜多心經

經文不錄

睡庵湯賓尹

盟手書。鈐印三山笑臺湯賓尹印。南雍大司

成章。

鑒藏寶璽

八璽金

古希天子。五福五代堂古稀天子

寶。壽八徵耄念之寶。

吳彬畫佛像一軸

本幅絹本縱五尺九寸五分橫二尺六寸五分淺設色畫古佛坐磐石垂髻草衣下二童持瓶鉢侍款枝隱頭陀吳彬齋心拜寫鈴印二吳彬之印吳文中氏

鑒藏寶璽

全八璽

吳彬畫觀音大士像 一軸

〔本幅〕素牋本。縱二尺八寸，橫一尺五寸五分。  
設色畫觀音大士，變相款勇猛丈夫，觀自在。  
為利衆生，住此山。汝應往問諸功德，彼當示。  
汝大方便。右鞞瑟胝羅頌。歲在丙子正月。佛。  
子吳彬薰沐拜寫。鈐印二。吳彬文中，有無名。  
氏題。

一。流水行。慨然如鐘。坦然無威。蕩然無為。神。  
通三界。脫苦忘危。右吳道子贊。鈐印。

一。光風霽月。  
脫却菩薩身。化作莊嚴相。寶瓶甘露賣。瓊  
傍護法的。抖搜神光壯。好箇慧眼童子。認得  
大慈悲教主。救苦難金剛。鈴印二。白衣口轉  
頌。東吉祥。

鑑藏寶璽

八璽

吳彬畫魚籃觀音 一軸

〔本幅〕絹本。縱五尺八寸。橫二尺七寸。設色畫大士像。善財隨侍。手提魚籃。款枝隱菴頭陀。吳彬拜寫。鈐印一。吳彬之印。

鑑藏寶璽

八  
璽

吳彬畫十六應真 十六軸

〔本幅〕絹本十六軸。每幅縱三尺四寸。橫一尺五分二分。水墨畫十六羅漢。各標名。每幅款莆田吳彬敬摹。貫休上人筆意。鈐印三。莆田吳氏臣彬文中。

〔左右方〕標識。原第十三因揭施尊者。今

欽定第一阿迎機達尊者。原第十五阿氏多尊者。

今

欽定第二阿資答尊者。原第十四那婆斯尊者。

今

欽定第三拔納拔西尊者。原第七迦理迦尊者。

今

欽定第四嘎禮嘎尊者。原第八伐閣那弗多尊

者。今

欽定第五拔襍哩通答答喇尊者。原第六耽沒囉跋

陀尊者。今



欽定第六拔哈達喇尊者。原第三賓頭盧頗羅墮

尊者。今

欽定第七嘎納嘎巴薩尊者。原第二迦諾迦伐

蹉尊者。今

欽定第八嘎納嘎拔哈喇銀襪尊者。原第五拔諾

迦尊者。今

欽定第九拔嘎沽拉尊者。原第十一羅怛羅尊者。

今

欽定第十喇乎拉尊者。原第十六注荼半托迦尊者。今

欽定第十一租查巴納答嘎尊者。原第一賓度羅跋羅墮闇尊者。今

欽定第十二罪那楂拉拔哈喇銀襍尊者。原第十半託迦尊者。今

欽定第十三巴那塔嘎尊者。原第十二那伽犀那尊者。今

欽定第十四納阿嚕塞納尊者。原第九戒博迦尊者。今

欽定第十五鍋巴嘎尊者。原第四難提密多羅

慶友尊者。今

欽定第十六阿必達尊者。

鑑藏寶璽

金

吳彬畫羅漢 一軸

本幅宣德牋本。縱四尺七寸五分。橫二尺五寸五分。設色畫山崖花樹。尊者六。雜坐石上。天龍拏雲。彼岸二人仰睇。款萬曆辛丑小春。敬寫施於棲霞禪寺中。供養枝隱菴頭陀吳彬。鈐印二。吳彬文中氏。

鑑藏寶璽

八璽

收傳印記。米仲詔收藏圖書。米仲詔書畫印。

口國張氏寶董齋鑒藏。

丁雲鵬散花圖 一卷

本幅絹本縱一尺一寸橫三尺九寸五分設  
色畫維摩坐榻說法大眾圍繞天女散花于  
前款已酉秋月丁雲鵬敬繪鈴印四丁雲鵬  
南羽高雲共此心必逢佳士亦寫真

鑒藏寶璽

八璽

謹按丁雲鵬字南羽休寧人善白描山水人  
物佛像無不精妙見圖繪寶鑑續纂又隲聖  
華居士

丁雲鵬畫應真渡海 一卷

本幅宣德牋本。縱一尺橫二丈八寸五分。設色畫羅漢渡海。天王龍神鬼卒擁護。款弟子丁雲鵬敬寫。鈐印一。丁雲鵬印。

鑒藏寶璽

八璽

丁雲鵬畫應真

一卷

〔本幅〕絹本。縱九寸五分。橫二丈。設色畫十八羅漢。列坐樹林坡石上。無名款。分段行書。蘇軾十八大阿羅漢頌。月明星稀。孰在孰亡。煌煌東方。惟有啟明。洛爾上座。及阿闍黎。代佛出世。惟大弟子。佛無滅生。道塞在人。墻壁瓦礫。誰非法身。尊者斂手。不起于坐。示有敬耳。起心則那。我非標人。人莫我識。是雪。



衣者。豈具眼隻。方食知獻。何愧於猿。為語柳  
子。勿憎王孫。彼問云何。計數以對。為三。為  
七。莫有知者。雷動風行。屈信指間。汝觀明月。  
在我指端。形與道一。道無不在。天宮鬼府。  
奚往而礙。婉彼奇女。躍于濤瀾。神馬尻輿。攝  
衣從之。手拊維髀。目視爪獻。甘芳之意。若  
達於面。六塵並入。心亦徧知。即此知者。為大  
摩尼。我以道眼。為傳法宗。爾以願力。為護

法龍道成願滿見佛不忤盡取玉函以畀思  
邀爾以捨來我以慈受各獲其心實則誰  
有視我如爾取與則同我爾福德如四方空  
飯食已畢撲鉢而坐童子茗供吹簫發火  
我作佛事淵乎妙哉空山無人水流花開  
飛仙玉潔侍女雲眇稽首炷香敢問致道我  
道大同有覺無修豈不長生非我所求前  
聖後聖相喻以言口如布鼓而意莫傳鼻觀

寂如諸根自倒。孰知此香。一炷千偈。默坐  
者形。空飛者神。二俱非是。孰為此身。佛子何  
為懷毒不已。願拜此相。問誰傳爾。是與我  
同。不嗟其妃。一念之差。隨此髮鬚。導師悲愍。  
為爾顰歎。以爾猛烈。復性不難。彼轉而此。  
長跪自言。特角亦來。身移怨存。以無言旨。誦  
無說法。風止火滅。無相仇者。問法最先事。  
佛亦久。老然衆中。是大長老。薪水井臼。老矣。

不能摧伏魔軍。不戰而勝。盆花浮紅。篆烟  
繚青。無問無答。如意自橫。點瑟既希。昭文不  
鼓。此間有曲。可歌可舞。引之浩茫。與鶴皆  
翔。藏之幽深。與魚皆沈。大阿羅漢。入佛三昧。  
俯仰之間。再拊海外。植拂支願。寂然跏趺。  
尊者所遊。物之初耶。聞之於佛。及吾子思。名  
不用處。是未發時。每段分鈴印三。鄧林氏如  
癸慎起居士。

引首代佛出世。篆書半偈元聞鈴印二選佛場。

半偈道人元聞之印。

鑒藏寶璽

八  
金璽

丁雲鵬畫羅漢 一卷

本幅素牋本。縱九寸八分。橫一丈四尺八寸。

水墨畫羅漢。款。黃山丁雲鵬敬寫。篆鈴印二

丁雲鵬印南羽

鑑藏寶璽

八璽全

丁雲鵬畫釋迦牟尼佛 一軸

本幅素箋本縱四尺九寸五分橫一尺六寸  
五分水墨畫釋迦牟尼佛像款佛子丁雲鵬  
敬寫鈴印二丁雲鵬印南羽氏有汪道貫書  
得鄒之麟題

釋迦牟尼佛何法本法無法無法亦法今  
付無法時法法何曾法鄒居士汪道貫書鈴  
印一印中  
世尊四十九年說法無非對病設藥此真大  
醫王也文殊就地拈一莖草度與弟子曰你  
看那一味不是藥然此藥能生人亦能殺人

此真大藥師也。佛與菩薩究竟不外自度度人。鈴印二。臣虎。鄭之麟印。

鑑藏寶璽

八璽

照按汪道貫字仲淹休寧人。道昆之弟。鄭之麟字臣虎號衣白武進人。明季進士。



丁雲鵬白馬馱經圖 一軸

本幅素箋本。縱四尺一寸五分。橫一尺七寸二分。設色畫竺法蘭白馬馱經事。款乙丑秋日奉佛弟子丁雲鵬拜寫。鈐印二。丁雲鵬印。南羽。

鑑藏寶爾玉

八  
全  
璽

丁雲鵬掃象圖 一軸

本幅素箋本。縱四尺四寸二分。橫一尺四寸六分。設色畫大士坐觀洗象。諸天神捧經頂禮。款萬曆戊子春日之吉。奉佛弟子丁雲鵬敬寫。鈐印一。雲鵬之印。

御題行書

鹿苑談經本無一字象教。指月乃有三乘。是三即一無有非無。慧日法雲。尼居律下。大士偃坐。

天人和南見有象者。夫何不掃彼三十二真塗。  
毒鼓。乙丑嘉平御贊鈴寶四。乾隆宸翰經史。  
哥惟精惟一雲霞思。

鑑藏寶璽

八璽

幾暇鑒賞之璽

收傳印記蕭條方外吉雲居。

丁雲鵬掃象圖 一軸

本幅絹本縱五尺二寸橫二尺八寸設色畫  
文殊掃象故事。款庚戌春日佛弟子丁雲鵬  
敬寫。鈐印二。雲鵬。南羽。

鑒藏寶璽

八璽全

丁雲鵬洗象圖

一帖

〔本幅〕素箋本。縱四尺五寸。橫一尺一寸五分。  
設色畫文殊端坐盤石。觀二人洗象。款。丁酉  
暮夏之吉。聖華居士丁雲鵬敬寫。鈐印二雲  
鵬。南羽。

鑑藏寶璽

八  
璽

〔收傳印記〕口口口口珍賞之章。

丁雲鵬畫莊嚴大士瑞像一軸

本幅素牋本。縱六尺二寸。橫三尺五寸。設色畫大士。身披瓔珞。蓮花承趺。金書款。己酉春日之吉。佛弟子丁雲鵬敬寫。

御題行書。

卅二之相。八十種好。與佛無差。方便權巧。彌陀灌頂。足踏瑞蓮。堂堂獨立。法爾如然。萬有之母。調御丈夫。執一以求。去道遠乎。寶冠若華。天衣

如鏡內外色空。光光相映。本願不離。沛然甘露。  
即今衆生。無一不度。乾隆壬午新春。御贊。鈴  
寶二。乾隆宸翰。歡喜園。

鑒藏寶璽

金璽

收傳印記。蕭條方外。丁九常印。

丁雲鵬大士像 一軸

本幅絹本縱五尺四寸二分橫二尺八寸八分設色畫大士纓絡垂髻手持楊枝淨瓶踏青蓮華款丁雲鵬敬寫鈐印一南羽氏

鑒藏寶璽

八璽  
金



丁雲鵬觀自在菩薩像 一軸

本幅絹本。縱三尺二寸五分。橫二尺八寸。設色畫大士。青蓮承趺。朶雲空際。款弟子丁雲鵬。盥手敬寫。鈐印一。南羽。

御題行書。

身依白雲。腳踏青蓮。現自在相。容容海天。尋聲救苦。杳光所說。謂當反心。仍屬饒舌。手持楊枝。灑甘露水。度盡衆生。成佛如是。丙申新正中。

漸御贊鈴寶二。乾隆有董其昌書心經。經文并

跋。

觀音大自在神通。能普度大地衆生一切苦惱。只是一片婆心。現身說法。擺脫茫茫苦海。大地衆生一切苦惱。但能念觀世音菩薩大應大悲救苦救難。便能離脫苦海。以觀音大自在神通。尋聲救苦故。非觀音大自在神通。能分形萬億。而為衆生解脫諸苦。乃衆生心中皆有觀世音大自在神通。但于急難苦孽中能反心向化。皈依懺悔。消除一切惡念。便能跳出千萬火坑。擺脫一切苦海。放下屠刀。立地成佛。若不皈依懺悔。反心向尋。消除惡緣。雖有百千萬億大慈大悲救苦救難觀音。大自在菩薩。不得超度。世間衆生。誦誦般若。

敬羅心經。自在神通。隨地湧出。便是觀音無  
量功德。便是衆生無量功德。天啟四年夏五  
月。華亭董其昌沐手敬書并跋。鈴印一。其昌。

鑒藏寶璽

八  
璽

丁雲鵬畫十八應真 四軸

本幅宣德箋本四幅。每幅縱四尺五寸。橫二尺四分。水墨畫十八應真。款癸丑春日之吉。法王子丁雲鵬敬寫於虎邱僧寮。鈐印三。丁雲鵬印。南羽氏。聖華居士。

鑑藏寶璽

八璽

收傳印記。丁九常印。丁道庵。

丁雲鵬畫十八應真 一軸

〔本幅〕絹本。縱四尺二寸。橫二尺三分。水墨畫。  
應真渡海。款。丁雲鵬敬繪。鈐印二。丁雲鵬印。  
南羽。

鑒藏寶璽

八璽

丁雲鵬畫達摩一軸

本幅絹本。縱四尺五寸。橫二尺七寸。設色畫。  
達摩趺坐蒲團上。款聖華居士丁雲鵬敬寫。  
鈐印三。南羽。雲鵬。南羽氏。

鑒藏寶璽

八璽金

收傳印記。間中舒歲月。靜裏忘身心。雪廬歲  
書。元賞齋圖書。瑞竹館。

丁雲鵬三生圖 一軸

本幅素綾本。縱五尺五寸。橫二尺。水墨畫圓澤三生石故事。款三生圖。雲鵬鈐印二。雲鵬之印。丁南羽。

鑑藏寶璽

八璽金

收傳印記。吉雲居。丁九常印。

董其昌書唐高宗菩薩藏經後序 一冊

本幅高麗牋本。六對幅。每幅縱八寸四分。橫三寸九分。行書。菩薩藏經後序。蓋聞義皇至順。精粹止於龜文。軒后幽通。雅興窮於鳥篆。考丹書而索隱。殊昧真際之源。徵淶字以研幾。蓋非常樂之道。猶且事光圖史。振薰風於八埏。德洽生靈。激澆波於萬代。伏惟陛下。轉輪垂拱。而化漸雞園。勝殿凝旒。而神交



驚嶺總調御於徽號。匪文思之所窺。極般若  
於輪言。豈象繫之所擬。由是教覃溟表。咸傳  
八解之音。訓浹寰中。皆踐四禪之軌。遂使三  
千世界。盡懷生而可封。百億須彌。入提封而  
作鎮。尼連德水。通帝里之滄池。舍衛菴園。接  
上林之茂苑。雖復法性空寂。隨感必通。真乘  
深妙。無幽不闢。所以大權御極。導法流而靡  
窮。能仁撫運。拂劫石而無盡。體均相具。不可

思議校美前王馬可同年而語矣。余以問安之暇。澄心妙法之寶。奉述天旨。微表讚揚。式命司存。綴於卷末。世知有高宗述三藏記。此後序無傳。故以聖教序筆意書此。戊午五月八日。其昌。鈐印二。太史氏董其昌。

後副葉何焯跋

此宗伯中年書之作者。多出顏行。稍參以懷仁集右軍書體。爾發端隨字。乃誤為顏。前輩自恃名重。不加檢點。便有此失。亦學者所當戒。但不可緣此疑為他人代公書也。輒為題。

破。願南陽尊兄加寶持之。何輝鈴印三。辛丑。

鑑藏寶璽

八  
全璽

董其昌書蘇軾羅漢頌 一卷

本幅宣德箋本。縱七寸八分。橫二丈三寸。行

書。蘇軾十八大阿羅漢頌。第一尊者結跏

正坐。蠻奴側立。有鬼使者稽顙於前。侍者取

其書通之。頌見前丁雲鵬畫應真卷下同。第二尊者合掌

趺坐。蠻奴捧檮于前。老人發之。中有琉璃餅

貯舍利十數。第三尊者扶烏木養和正坐。

下有白沐猴獻果。侍者執槃受之。第四尊

者。側坐屈三指。答胡人之問。下有蠻奴捧盃。  
童子戲捕龜者。第五尊者。臨淵濤抱膝而  
坐。神女出水中。蠻奴受其書。第六尊者。右  
手支頤。左手拊禪師子。願視侍者。擇瓜而剖  
之。第七尊者。臨水側坐。有龍出焉。吐珠其  
手中。胡人持短錫杖。蠻奴捧鉢而立。第八  
尊者。立膝而坐。加肘其上。侍者汲水過前。有  
神人涌出于地。捧槃獻寶。第九尊者。食已。

撲鉢持數珠誦咒而坐。下有童子構火具茶。又有理筒注水蓮池中者。第十尊者執經正坐。有仙人侍女焚香于前。第十一尊者趺坐焚香。侍者拱手。胡人捧函而立。第十二尊者正坐入定。枯木中其神騰出于上。有大蟒出其下。第十三尊者倚杖垂足側坐。侍者捧函而立。有虎過前。有童子怖匿而竊窺之。第十四尊者持鈴杵正坐誦咒。侍者

整衣于右。有人橫短錫跪坐于左。有蛇一角  
若仰訴者。第十五尊者。鬚眉皆白。袖手趺  
坐。有人拜伏于前。蠻奴手持拄杖。侍者合掌  
而立。第十六尊者。橫如意趺坐。下有童子  
發香篆。侍者注水花盆中。第十七尊者。臨  
水側坐。仰觀飛鶴。其一既下集矣。侍者以手  
拊之。有童子提竹籃取果實投水中。第十  
八尊者。植拂支頤。瞪目而坐。下有二童子破

石榴以獻子瞻。款壬戌四月十七日。其昌。鈐  
印二。太史氏知制誥日講官。

鑑藏寶璽

全璽

收傳印記。儼齋祕玩。王鴻緒印。鴻緒。蘭雪堂  
收藏印。子孫永保。



董其昌書宗門茶話 一卷

本幅金粟牋本縱九寸橫八尺九寸行書孔  
門弟子之仁日月一至不知其至之日境界  
若何趙州曰諸人被十二時展使老僧使得  
十二時無論一月但以一日論將此身心如  
何安放趨向始為使得也洞山在山四十年  
地神尋覓不得忽一日見厨下有棄飯曰施  
主之物何得作賤如此地神即見形作禮自

通向來不見之故。蓋一念著罪福相。即為鬼神覷見。四十年中住密行三昧。可知倘脩行無力。挪揄不少矣。此則三月不違已也。趙州有十二時歌。或亦禪和所託。趙州呵佛罵祖。直欲不挂一元字脚。安得多許絡索。又宗家有不答話者。曰出家人無補線之隙。安得與汝閑話。又有曰。整時不在。如同死人。方可謂惜寸陰者。今人但以不犯十意為脩行。不知

正落無記窠臼。未為無業也。

揚曰子思日孜孜。正是惜寸陰。

或曰。子言思日孜孜。似矣。但大脩行人。欲無事於心。休去歇去。冷湫湫去。寒崖枯木去。而終日孜孜。得無近於馳求。非息心達本之旨乎。曰。近有一等宗徒。但見臨濟語錄有云。汝一念心疑處。便是佛魔。佛魔俱掃。更有何事。以此為休歇。不知能自信否。若不能自信。明朝後日。大有事在。安得撒手放下。以為千了。

百當漢以故二六時中有三等事一則研窮  
至理以悟為則一則坐禪入定昏散日輕一  
則看經參論薰般若種雖深淺不同各隨根  
器可以使得十二時也 觀師答問常有不  
經人道語予曾問菩薩問菩薩處胎受生之  
後還知前生為徑如所云宿命通否師曰聖  
人無我但受生之後前生所作循業發現宛  
然如一日安用自知為張三李四許多我相

又予時方應舉。日用攻舉子業。余問此於學道。寧不相妨否。師曰。譬如好色人。患思憶病。此人二六時中。寧廢著衣喫飯。一切酬應否。雖復著衣喫飯。一切酬應。其思憶病相續不斷。即作意斷之。其病益深。李太白詩云。抽刀斷水水更流。是也有患煩惱塵緣所障道者。若為掃除。師曰。如一男子有殺父讐。懷憤欲報。拂拭純鉤。畢生尋覓。初聞張三二十年後。

知此真讐本是李四便捨張三直覓李四諸人欲掃除煩惱正為未知真讐也此語與張拙斷除煩惱重增病更覺透澈今紫柏老人集乃不見載知法語所遺多矣無名款幅內第一段第二段下俱有張照行書註語

若如是使十二時猶被十二時使在饒伊親見趙州依舊一得一失

三別語均非了義教第三差強得天鈴印二

思翁自書參學所得語刻在容臺集中此特一斑耳又曾得一冊子亦黃宋牋寫贈南沙

相公矣。的是一帖。然亦未全也。思翁留心宗門。當日許為作家居士。亦止是秀才。觀此可見。觀師所示。殊非了義。乃服膺如是。明眼人未易瞞也。得天鈴印一。得天居士。吳館卿有大行書天姥吟。冊子。從海海入吾家。館卿欲之。以此卷相易。照記。末編號贈一號。

鑑藏寶璽

八璽

收傳印記張氏春星堂珍藏書畫之印。

程嘉燧達摩韋渡圖

一卷

本幅宣紙本。縱九寸。橫三尺六寸。設色畫達摩韋渡故事。款松圓居士程嘉燧寫贈碧公。還落迦海潮禪寺。鈐印二。程嘉燧印。孟陽。引首海天一韋龍膺。鈐印二。龍膺之印。武陵人。

後幅陳繼儒書蘇軾語。

耳如芭蕉。心如蓮花。來時一。去時八萬四千。此義出楞嚴。世未有知之者。東坡居士語。似



王田禪師。陳繼儒。鈐印二。陳繼儒印。麋谷。

鑑藏寶璽

八璽

謹按程嘉燾字孟陽號松圓居士。僑居嘉定。刻意為歌詩。善畫山水。兼工寫生。龍膺字君御。武陵人。由進士累官南京太常卿。有九芝集。

李流芳書妙諦函三 一冊

本幅素紙本。摺裱六十葉。縱九寸。橫八寸四。

分行書佛說阿彌陀經。經文不錄。款乙巳中秋後。

六日。弟子李廣崐沐手和南書。又般若波羅

密多經。般若波羅密多心經。經文不錄。款辛亥孟

秋。雲棲弟子李流芳法名廣崐。蘇南敬書。鈴

印二。李流芳印。廣崐。

鑑藏寶璽

八璽

註按李流芳字長蘅嘉定人。鄉舉後絕意進  
取。居西湖。以山水書畫自樂。

鄭重畫十八羅漢 一卷

本幅素牋本。縱八寸六分。橫一丈四尺三寸八分。設色畫白衣大士十八應真。款鄭重。鈴印一清祕閣。

鑑藏寶璽

八寶

謹按鄭重字千里。歙人。工山水。寫仙佛。齊法。而後舉。見周節寶鑑續纂。

鄭重畫佛像 一軸

本幅絹本。縱二尺六寸。橫四尺四寸五分。設色畫極樂世界。一佛二菩薩。佛光中現億萬化身。寶樹妙蓮。諸天環列。秋極樂人鄭重敬寫。  
篆書 鈴印一。即佛即心。

鑑藏寶壘

八壘  
金

鄭重一指華嚴圖

一軸

本幅絹本。縱四尺四寸。橫二尺六寸。設色畫。應真坐磐石上。指端湧現豪光琳室。一仰觀。款鄭重。鈐印一。十里。

鑑藏寶璽

八璽

鄭重畫十八應真

一軸

**本幅**宋牋本。縱三尺四寸。橫一尺六寸。淺設色。畫十八羅漢渡海。款鄭重。鈐印一千里。

鑑藏寶璽

八璽

李麟畫十八應真 一軸

**本幅**宋牋本。縱四尺六分。橫一尺七寸八分。設色畫山石溪流。迴欄竹樹。雲端現大士像。應真雜坐。款弟子李麟敬寫。鈐印一。蕭史。

**鑒藏寶璽**

八璽全

謹按李麟字次公。四明人。善佛像。見圖繪寶鑑續纂。



程福生書道德經 一卷

〔本幅〕金粟箋本。縱六寸二分。橫七尺七寸六

分。楷書。太上元元道德經。經文不錄。自識。猶龍公

道德經五千言。分為上下篇者。以竹簡重大。

不便展閱耳。後世分為道德經。又分為八

十一章。恐非本意。且刻本中多互異。福生因

倣宋本書之。時避暑汝陰。無所應酬。即汗流

猶能用魯公麻姑壇筆意也。萬曆癸未六月

廿日玉山程福生識。鈐印四。寫經閣福生字。  
孟孺又自題。癸未春客金閤。偶購金粟山藏。  
經紙裝潢書道德二卷。携遊楚中。其一為錢  
司理得之。此卷未嘗示人。故得共客楚者三  
年。乙酉重九日雨中。展開題此。福生。鈐印二。  
孟孺有邢侗題。

來禽館藏本。鈐印二。邢侗。子愿。

孟孺擅諸體書。尤精顏魯公結法。每道其臨  
池時。正容持檢。屏息若對君父。而後其書佳。  
此子書學大有會。眼中無復此人矣。清明日。

偶閱一結。不勝少陵人日之感。邢侗題。鈐印。

鑒藏寶璽

八璽

程按程福生。字孟孺。號四岳山人。江西玉山人。萬曆間官中書。

邢慈靜畫觀世音菩薩三十二應身相 一冊

本幅瓊青牋本二十四對幅每幅縱九寸橫  
九寸二分泥金畫觀音三十二應身相每幅  
書贊 彼佛儼然不起于位合掌向佛開掌  
即背開合總然向背不涉石師吼風泥龍舞  
月 宇宙昧昧大被長枕舉世黷睡嘑之不  
醒以彼夢機授我夢說實知夢者眼未常合  
海月流光天雲弄影縹緗玉軸展普門品

轉轉不已。喃喃自喜。云何自持。反求諸己。  
秉般若劍。摧黑暗盡。光明洞然。行佛心令。令  
行如燄。無處湊泊。鋒鋦未露天魔。膽落。即  
佛離相。衆生諸佛。即相索佛。諸佛衆生。百萬  
妙好。億千威神。能見是者。不以目睛。師獵  
得。脩師農得。粟善財。亡法禮菩薩足。菩薩不  
言。前瞻後瞻。汝自問取。白雲青竹。鳩摩負  
鍾。鍾如是輕。大士乘蓮。蓮如是重。輕重無性。

一切在心。我苟無心。蓮亦可乘。浮圖寶級。  
縱廣百萬。以自在力。拍掌可玩。衣裳離披。龍  
胡鳳毛。游行去來。八荒九霄。衆生熱鬧。熾  
然若甑。得楊枝水。一滴消盡。我四大中。水相  
亦多。云何無明。但滋愛河。珠網金絡。光明  
亘起。我此蓮華。不捨不取。離取捨見。兩頭誰  
倚。昨夜江邊。一天春雨。桐桐貿貿。墜阮落  
漈。舒母陀羅。光輝爛熳。地無險平。而有趨蹙。

沒巴鼻處。婆心正切。華鬘瓔珞具種種好。  
因好生愛。妄想顛倒。顛倒百變。煩惱境現。諸  
善男子。莫作是見。萬象森羅。文殊悟寂。一  
亘晴空。普賢心妙。具是大德。如青蓮華。皦然  
皎然。泥而不滓。桓桓武人。犀顱虎鬚。負法  
王子。雲霧霧發。仰之瞻之。邈彼天外。迴兮旋  
兮。近我衣帶。飛鳥拍肩。蹲蹲將及。止未及  
間。狂心頓息。天和氣薰。小雨沾裳。浮雲柳絮。

空濶飛揚

維師子王駿不可沮巴鬣生風

鼻端出火道人行徑狐蹤掃絕發猛勇時創

心瀝血

猛子求道渴龍赴海菩薩何求清

淨自在乘其背項游戲無時龍以渴故亦總

不知

婆娑忍渴如大苦海菩薩安然得大

自在乃知沸鏊自有清涼雲眸臉月雨華生

香

琉璃瓶中滿貯甘露灌我頂門透心溢

腑小童無知問師走取師言何用此恩毒水



海音轟雷浪花捲雪。彼大士者飄然一葉。  
此非因緣。非自然相。欲求明月在爾牀上。  
俯首睺月。愛而忘歸。江風水露。助其清輝。試  
觀我心。一塵不涉。萬古寒潭。光明洞澈。抱  
几而坐。為默為說。為是說者。不涉口舌。若名  
為默。彼意了然。切不可說。非默非言。形體  
變幻。神通妙有。我趨亦趨。我走亦走。或攜之  
後。或携之前。前後兩際。不可意言。菩薩化

身。併化是石。情與無情。同是幻質。既隨化生。  
亦隨化寂。是故佛言。一法不立。分鈴印香嚴。  
邢氏慈靜。慈靜馬邢氏印馬氏世寶。

鑑藏寶璽

八璽

謹按邢慈靜。臨邑人。侗之妹。善畫白描大士。  
見珊瑚網。

那慈靜畫大士 一軸

本幅磁青牋本。縱一尺七寸二分。橫七寸。泥金畫大士立蓮花瓣上。歎感應無方。智慧無礙。以策勝緣。得大自在。清波蓮葉。法相胥融。亦仙亦佛。長生之宗。信女人慈靜畫并贊。

鑑藏寶璽

八璽  
全

劉鐸畫羅漢 一卷

本幅宣德牋本。縱一尺一寸。橫二丈八寸五。  
分水墨畫渡海應真。天龍款迎。款于己秋月。  
廬陵劉鐸寫。鈐印二。劉鐸之印。洞初。

鑑藏寶璽 八璽

謹按劉鐸字洞初。廬陵人。天啟時官揚州知府。情親忠賢。亂政作詩書僧扇。為忠賢所陷死。後贈太僕少卿。

文震孟書金剛般若波羅密經 一冊

本幅宣德牋本三十葉縱五寸九分橫六寸

五分楷書金剛般若波羅密經姚秦三藏法

師鳩摩羅什奉詔譯經文不錄癸卯辰仲春佛弟

子文震孟薰沐拜書鈐印一文震孟印

鑑藏寶璽

八璽

謹按文震孟字文起徵明曾孫崇禎朝大學士明史有傳

邢國賢達摩華渡圖 一軸

〔本幅〕粉箋本。縱三尺六寸。橫一尺一寸。水墨畫達摩渡江事。款明弟子邢國賢敬寫。鈐印二。邢國賢印。範冠道人。

鑑藏寶璽

八璽  
金

〔收傳印記〕烟霞閣藏。

王淑民書金剛經塔 一軸

〔本幅〕宣德箋本。縱三尺四寸。橫一尺五分。界

畫塔九層。楷書金剛般若波羅密經。經文不錄款

善男子王淑民焚香拜書。鈐印二。淑民。

鑑藏寶璽

八  
重

李貞書法華經塔一軸

本幅宋牋本。縱六尺六寸三分。橫二尺一寸。

楷書妙法蓮華經。經文不錄作塔七層。數萬歷歲。

次丁巳夏月吉旦。薰沐拜書。佛弟子李貞。鈐印二。李貞正父。

鑑藏寶璽

八璽  
全



李貞書楞嚴經塔一軸

本幅。寬青牋本。縱七尺二寸。橫二尺五寸五分。泥金楷書大佛頂如來密證因脩了義諸菩薩萬行首楞嚴經。經文不錄作塔七層。款楞嚴經全部寶塔。時崇禎歲次丙子仲秋吉旦。薰沐拜書起。至丁丑孟夏之望。完。三寶弟子李貞鈐印二。李貞正父。

李國寧書阿彌陀佛經塔一軸

本幅堯青牋本。縱三尺六寸。橫九寸二分。泥

本界畫塔七層。楷書佛說阿彌陀經。經文不錄款。

古款弟子李國寧沐手拜書。鈐印一。李國

寧印。

鑒藏寶璽

八璽

馮无咎書佛說阿彌陀經 一冊

本幅素牋本摺裝二十五葉每幅縱八寸六分橫八寸九分楷書佛說阿彌陀經不經文姚秦三藏法師鳩摩羅什譯後附跋一切業障根本得生淨土陀羅尼呪不款昭陽單闕山月奉佛弟子馮无咎發願書鈐印一補之无咎毛表助豪筆毛扆助紙墨

後幅僧行琛跋

鑒藏寶璽  
八璽

世人盡知西方為極樂世界。來心欲即。十萬  
八千。無意得來。不離左右。故曰。執經一。三  
世佛。寧離經一字。即同魔說。須向自己胸襟  
流出。方能蓋天蓋地。問是經者。於馮子未仲  
紙運筆時。薦取。畏較。此子。若餅中索汁。帶累  
不少。何故不見。道水鳥。柯林。皆忠念。佛念。法  
念。僧念。公。即長夏。訪。芥。於。汎。古。閣。得。庚。浦。之  
居士。手書。是經。信筆題此。嘉慶行。環。

孫璜如來像 一軸

〔本幅〕素綾本。縱三尺二寸。橫一尺四寸。水墨畫如來像。款。甲午臘月八日。弟子孫璜敬寫。鈐印二。孫璜之印。尚甫。

鑑藏寶璽

八璽

馮翊畫大士像一軸

〔本幅素牋本。縱二尺。橫一尺。設色畫圓光中  
大士趺坐蓮臺。傍有護法天王力士無名款。  
御筆。念彼觀音力。能救世間苦。鈴寶二。乾隆  
一大圓相中。現法身鬼神。欽仰滄海。卿雲珠幢。  
華幔寶座蓮茵。胥示有為慈悲善因。具廿四臂。  
慧劍法輪。無所不持。幻幻真真。妙觀察智。救度  
天人。和南相好。是即能仁。壬申中秋節。御讚。〕

鈴寶二古稀天子之寶猶日孜孜

鑒藏寶璽

八  
全

僧季芳書大乘妙法蓮華經 七冊

〔本幅〕菟青紙本。摺裝。七冊。每幅縱八寸三分  
橫六寸二分。泥金書妙法蓮華經。姚秦三藏  
法師鳩摩羅什譯。不經文錄前有釋道宣法華經  
宏傳序。第一冊六十四葉。第二冊七十二葉。  
第三冊六十四葉。第四冊七十三葉。第五冊  
七十葉。第六冊六十五葉。第七冊五十八葉。  
品目見前。有僧大旺後序。



金書妙法蓮華經後序  
如來為一大事因緣之所說也。以法蓮華為名。  
實相為體。一乘因果為宗。斷疑生信為用。無  
上醍醐為教。相法即妙法。實為蓮華。妙名不  
可思議。即是心法。心是法體。法是心用。一念  
妄心忽起。事相乃生。凡一切時中。平澹不被  
塵境滯礙。自然明白。無所不通。清淨無染。微  
妙香潔。甚於蓮華。我佛證此妙法。哀愍一切  
眾生。未時所以出現於世。說此甚深奧藏。實  
一化之根源。五時之秘旨。為諸迷暗有情。開  
示悟入佛之知見。豈非大哉。因緣甚乎。此經  
凡二十八品。不出乎權實本迹。九界三乘。權  
也。佛界圓來實也。久遠成佛。本也。果後施化  
迹也。前十四品是迹門。開權顯實。後十四品  
是本門。開迹顯本。良由機有利鈍。故分三周  
七喻。初法說周。為上根者。次譬說中根者。後

因緣周為下根。火宅喻三界不安。窮子喻無  
大來法財。藥草喻有漏無漏。善能除諸惡病。  
根。化城喻真空涅槃。聚生死怨。戴珠喻一  
乘智寶了因之種。曼珠喻中道實相。鑒子喻  
佛如大醫王。徧療一切眾生之心病。故妙法  
難解。假喻易彰。逆花則華果同時。妙法則惟  
實一體華開蓮現。喻開權顯實。開迹顯本。華  
落蓮成。喻廢權立實。廢迹立本。此乃妙法蓮  
華之大義也。菩薩成佛弟子湛然居士。覺海宿  
因。大通下種。親斯妙曲。深荷契悟。捐舍衣資。  
以黃金為墨。求請善楷書者。扶桑李芳墨禪  
師書寫一部。裝潢成帙。裝之華經藏。深固幽遠。  
一日使香過余。請序。且法華經藏。深固幽遠。  
無人能到。馬以言說所及。然難如是。當知書  
寫此種果報功德。不可思議。上足以仰答聖  
君。其大之洪恩。下足以開發含靈。本有之妙

性如此利為宜可不隨喜讚嘆者哉故為後  
序龍者當求言外之意可矣正統元年九月  
重陽日大慶壽禪寺住持北邱大旺序

鑒藏寶璽

僧覺證書大方廣圓覺脩多羅了義經三冊

本幅競青牋本對幅裝三冊每幅縱六寸九分橫三寸一分泥金書大方廣圓覺了義

經唐剎賓沙門佛陀多羅譯

經文不錄

第一冊十

六葉第二冊十七葉第三冊二十二葉有崇

遠後序

金書圓覺經後序三

界大師演說三乘教

典十方羣品歸依十號慈尊敬祈仰德報恩

咸願脩因佈果延祥集慶懺罪消愆瞻果日

麗於中天觀皓月臨於衆水無幽不燭育願

皆從於是奉佛弟子覺證謹發誠心。泥金書  
寫大方廣圓覺修多羅了義經一部。安奉供  
養。流通誦讀。酬佛祖深恩。答龍天厚德。今書  
寫完成。請予著語。余謂經者。脩行運路。蓋三  
界大師。從兜率天。化來白象。冠日之精。降神  
維羅衛國。苦行伽闍山中。成最正覺。得無上  
甚深妙法。開頓漸之正門。出權實之秘法。所  
謂昏衢燈火。苦海舟航。使書寫者得入薩婆  
若海。獲證無上菩提。雖然。不可隨語生解。直  
須迴脫根塵。靈光獨耀。空諸語言。契佛祖真  
機。居等妙覺地。乃可於此經著眼。復說偈以  
讚曰。圓覺真經。佛所宣。善哉覺證。願輪堅泥  
金。古寫金光現。新玉裝潢。玉帛氣宇。延祥  
宏有道。行行集福。廣無邊。功勛不盡。周沙界  
萬里雲。收月一天。正統二年五月十三日。空  
寂叟崇遠識。

鑒藏寶璽

八重

僧覺圖書妙法蓮華經七冊

本幅羊牘。版本摺裱。七冊。每幅縱一尺一寸二分。橫七寸三分。泥金書妙法蓮華經。姚秦三藏法師鳩摩羅什譯。經文第一冊六十三葉。第二冊七十三葉。第三冊六十八葉。第四冊七十七葉。第五冊七十二葉。第六冊七十一葉。第七冊六十二葉。末識奉佛弟子覺圖謹發誠心書寫大乘妙法蓮華經一部流通。

授持讀誦上祝皇圖永固佛日光輝四懸普  
報三有均資法界衆生同圓種智大明成化  
元年歲次乙酉孟春吉日

鑒藏寶璽

八璽



僧智夢書全部金光明經塔 一軸

本幅宋牋本。縱一丈一尺。橫三尺二寸五分。

楷書金光明經。

經文不錄

作七層塔。自識此金光

明甚深無量。太虛空界。尚不喻其高廣。山

口海口口口其邊崖。日輪赫奕。非嬰兒之

所瞻仰。大舶樓櫓。豈新產者之所執持。諸佛

所行。遇諸菩薩所行。清淨口二乘。心口安可

思說。凡夫徒欲言之。言則傷其實。徒欲不言。

默則致其失。二俱不可欲。以言之。言亦不可。欲以默之。默亦不可。故大品中梵志云。非內觀故。得是菩提。非外觀故。得是菩提。非亦內亦外觀故。得是菩提。經言皆不可思說。又生生不可說。生不生不可說。不生生不可說。不生不生不可說。有因緣故。亦可得說者。以金為名。蓋衆寶之上。以法性為體裁。則如來所得莊嚴菩薩深妙功德。以為宗。照曜諸天。心

生歡喜以為用。故文號經王。教攝衆典。故惟  
貴為名。唯極為體。唯深為宗。唯大為用。唯王  
為教。所以不二之體。常為四佛世尊之所護  
持。三世十方亦復如是。一切菩薩徧他方以  
遙禮。樹神菩女親雨淚。以稱揚諸天覆之以  
天威。地祇潤之以地肥。大辯加之以辯道。功  
德益之以財寶。諸有悉乾枯。三塗除熱惱。舉  
要言之。世間未曾有事。悉皆出現。是以金龍

尊王三世讚歎地神發願以護說者。上聖既爾。豈況人乎。敢託斯義。輒欲興言。冀涓露入海。含雋向山。實藉片緣。同均鹹色。夫靈心絕待。泯萬物而獨存。妙行難思。隨諸緣而普現。則實際理地。雖不受于一毫。而事相門中。不捨于一法。故如來出世說金光明經。依清淨心。建解脫行。顯出塵之經卷。永廓迷情。示伏藏之寶王。頓同大用。以信相為起教之人。則

菩薩無滯空之行。於堅牢有質空之頌。則法  
身非有相之求。性相該通。有無互建。則一經  
之要義。在于斯。至于明諸佛法性之源。探如  
來壽量之本。金光普照。發揚一切智門。金鼓  
騰聲。顯示無邊妙用。則菩薩發性之源也。懺  
除賊障。本如夢之法門。讚歎如來。舉脩行之  
妙果。摩訶薩埵之飼虎。龍捨能行。長者流水  
之口魚。有始有卒。則菩薩依真之行也。譬之

明月當天影沉衆水真金作器體應萬形主  
伴圓融一多自在能于口法受一切法則信  
如來之祕藏實為三界之寶乘莊嚴性海之  
門趣向覺王之本是以十千天子聞而頓證  
于菩提一切衆生入者皆同于甘露則見聞  
隨喜讀誦受持於一念具了無上法門者豈  
小緣哉凡我同儔勉口佛意嘉靖辛亥清秋  
之吉始於八月八日至九月初三日北涼譯

十八品。唐譯十四品。成於善應青松巔草舍。  
菩薩沙彌永清智萼。時年七十二歲。鈐印五。  
松巔草舍。從地湧出。三竄之寶。竄上沙門永。  
清萼。

鑑藏寶璽

八璽  
今

明人書大乘妙法蓮華經 七冊

〔本幅〕甕青紙本。摺裝。七冊。每幅縱一尺一寸五分。橫四寸。泥金書。妙法蓮華經。姚秦三藏法師鳩摩羅什譯。不經文錄前有僧如玘錄誦經儀式。第一冊五十九葉。第一冊四十葉。第三冊五十一葉。第四冊六十二葉。第五冊五十二葉。第六冊五十六葉。第七冊四十六葉。品目

見前洪武十七年寫



鑒藏寶壘

謹按明洪武十四年。設僧錄司。掌天下釋教  
事。曰善世。曰闡教。曰講經。曰覺義。左右各一  
員。明年以如紀為左。講經。見寶錄。故是冊中  
有如紀錄誦經儀式也。

明人書楞伽阿跋多羅寶經 四冊

〔本幅〕羊腦牋本。摺裝。四冊。縱八寸九分。橫七寸七分。金書楞伽阿跋多羅寶經一切佛語心品第一冊三十四葉。第二冊三十一葉。第三冊二十七葉。第四冊二十三葉。永樂十六年寫。

聖藏寶璽

八  
全

明人書妙法蓮華經 七冊

本幅寬青牋本。摺裝。七冊。每幅縱一尺四分  
橫七寸五分。泥金書妙法蓮華經。姚秦三藏  
法師鳩摩羅什譯。經文不解。第一冊七十九葉。第  
二冊七十八葉。第三冊七十五葉。第四冊八  
十八葉。第五冊八十三葉。第六冊七十九葉。  
第七冊六十五葉。品目見前。永樂十七年寫。

明人書大乘經咒四冊

本幅羊牘牋本對幅裝四冊每幅縱一寸八分橫一寸九分第一冊佛說五十三佛大因緣經五葉佛說三十五佛名經四葉稱揚諸佛功德經六葉般若波羅蜜多心經一葉金剛般若波羅蜜經十四葉有永樂御製序妙法蓮華經觀世音菩薩普門品七葉有永樂御製序第二冊無量壽佛真言一葉大悲觀自在菩薩總持

經咒六葉

有永樂御製序

佛頂尊勝總持經咒五葉

有永樂御製序

佛頂大白傘蓋禪嚴陀羅尼經十五

葉第三冊真實名經二十四葉

中有見書有永樂御製

序第四冊大隨求陀羅尼神咒經八葉三大

士真言一葉救度佛神咒一葉沙幹佛母神

呪一葉摩利支天菩薩陀羅尼二葉滅惡趣

神咒一葉大威德熾盛光如來消災吉祥陀

羅尼一葉金剛心咒一葉金剛手菩薩神咒

一葉壞相金剛根本呪一葉百字神呪一葉  
金剛壽命真言一葉紅色怖畏真言一葉黑  
色怖畏真言一葉馬哈葛立真言一葉慧忿  
怒呪一葉馬昌葛刺根本呪一葉馬昌葛刺  
神呪一葉經咒文不錄無名款

金剛般若波羅蜜經 一冊

〔本幅〕羊腦牋本。摺裱五十八葉。每幅縱一尺二寸五分。橫八寸一分。泥金楷書金剛般若波羅蜜經。經丈不錄宣德元年寫。

鑑藏寶璽

八重

明人書大寶積經 一百二十冊

〔本幅〕羊牋本。摺裱一百二十冊。每幅縱一尺二寸七分。橫九寸二分。泥金書大寶積經。

經文不缺

前有明宣宗御製寫經序第一冊。三十

葉。唐三藏法師菩提流志奉詔譯三律儀會之一。第二冊。四十三葉。三律儀會之二。第三冊。四十三葉。三律儀會之三。第四冊。四十葉。無邊莊嚴會之一。無上陀羅尼品之一。第五



冊四十二葉。無邊莊嚴會之二。無上陀羅尼  
品之二。第六冊四十葉。無邊莊嚴會之三。出  
離陀羅尼品。清淨陀羅尼品之一。第七冊三  
十八葉。無邊莊嚴會之四。清淨陀羅尼品之  
二。第八冊三十六葉。西晉月氏三藏竺法護  
譯。密跡金剛力士會之一。第九冊四十一葉。  
密跡金剛力士會之二。第十冊四十五葉。密  
跡金剛力士會之三。第十一冊三十八葉。密

跡金剛力士會之四第十二冊三十四葉密  
跡金剛力士會之五第十三冊四十二葉密  
跡金剛力士會之六第十四冊三十六葉密  
跡金剛力士會之七第十五冊三十六葉淨  
居天子會之一第十六冊三十八葉淨居天  
子會之二第十七冊三十五葉唐三藏法師  
菩提流志奉詔譯無量壽如來會之一第十  
八冊三十七葉無量壽如來會之二第十九

卅三十七葉。不動如來會之一。授記莊嚴品。  
佛利功德莊嚴品。聲聞衆品。第二十冊。四十  
二葉。不動如來會之二。菩薩衆品。涅槃功德  
莊嚴品。往生因緣品。第二十一冊。四十五葉。  
被甲莊嚴會之一。第二十二冊。三十二葉。被  
甲莊嚴會之二。第二十三冊。三十六葉。被甲  
莊嚴會之三。第二十四冊。三十六葉。被甲莊  
嚴會之四。第二十五冊。三十七葉。被甲莊嚴

會之五。第二十六冊二十九葉。梁三藏法師  
曼陀羅譯。法界體性無分別會之一。第二十  
七冊二十九葉。法界體性無分別會之二。第  
二十八冊五十五葉。元魏北天竺三藏佛陀  
扇多譯。大乘十法會。第二十九冊二十七葉。  
唐三藏法師菩提流志譯。文殊師利普門會。  
第三十冊三十七葉。出現光明會之一。第三  
十一冊三十七葉。出現光明會之二。第三十

二冊三十九葉。出現光明會之三。第三十三冊。四十葉。出現光明會之四。第三十四冊。四十葉。出現光明會之五。第三十五冊。五十四葉。唐三藏法師元奘譯。菩薩藏會之一。開化長者品。第三十六冊。三十四葉。菩薩藏會之二。金毘羅天受記品。第三十七冊。四十九葉。菩薩藏會之三。如來不思議性品之一。第三十八冊。五十七葉。菩薩藏會之四。如來不思議

議性品之二。第三十九冊三十八葉。菩薩藏  
會之五。如來不思議性品之三。第四十冊三  
十三葉。菩薩藏會之六。如來不思議性品之  
四。第四十一冊五十葉。菩薩藏會之七。四無  
量品。陀那波羅密多品。第四十二冊四十九  
葉。菩薩藏會之八。尸羅波羅密多品之一。第  
四十三冊四十四葉。菩薩藏會之九。尸羅波  
羅密多品之二。第四十四冊四十葉。菩薩藏

會之十尸羅波羅密多品之三第四十五冊  
四十六葉菩薩藏會之十一屏底波羅密多  
品毘梨耶波羅密多品之一第四十六冊四  
十五葉菩薩藏會之十二毗梨耶波羅密多  
品之二第四十七冊四十七葉菩薩藏會之十  
三毘梨耶波羅密多品之三第四十八冊四  
十四葉菩薩藏會之十四毘梨耶波羅密多  
品之四第四十九冊四十五葉菩薩藏會之

十五。靜慮波羅密多品之一。第五十冊。三十  
八葉。菩薩藏會之十六。靜慮波羅密多品之  
二。般若波羅密多品之一。第五十一冊。三十  
七葉。菩薩藏會之十七。般若波羅密多品之  
二。第五十二冊。四十四葉。菩薩藏會之十八。  
般若波羅密多品之三。第五十三冊。四十四  
葉。菩薩藏會之十九。般若波羅密多品之四。  
第五十四冊。四十五葉。菩薩藏會之二十。大



自在天授記品。第五十五冊三十葉。唐三藏法師菩提流志譯。佛為阿難說人處胎會。第五十六冊三十五葉。唐三藏法師義淨譯。佛說入胎藏會之一。第五十七冊四十葉。佛說入胎藏會之二。第五十八冊三十一葉。唐于闐三藏實叉難陀譯。文殊師利授記會之一。第五十九冊三十六葉。文殊師利授記會之二。第六十冊三十一葉。文殊師利授記會之

三第六十一冊三十三葉高齊北天竺三藏  
那連提耶舍譯菩薩見實會之一序品第一  
第六十二冊四十三葉菩薩見實會之二淨  
飯王詣佛品阿脩羅王授記品第六十三冊  
三十八葉菩薩見實會之三本事品迦樓羅  
王授記品龍女授記品第六十四冊二十七  
葉菩薩見實會之四龍王授記品鳩槃荼授  
記品乾闥婆授記品第六十五冊二十八葉

菩薩見寶會之五夜又授記品。緊那羅授記  
品第六十六冊三十二葉菩薩見寶會之六  
虛空行天授記品四天王授記品三十三天  
授記品夜摩天授記品第六十七冊四十一  
葉菩薩見寶會之七兜率陀天得授記品化  
樂天授記品他化自在天授記品諸梵天等  
授記品第六十八冊三十二葉菩薩見寶會  
之八光音天等得授記品遍淨天授記品第

六十九冊三十三葉菩薩見寶會之九廣果  
天授記品第七十冊五十一葉菩薩見寶會  
之十淨居天子讚偈品之一第七十一冊六  
十四葉菩薩見寶會之十一淨居天子讚偈  
品之二第七十二冊三十三葉菩薩見寶會  
之十二遮羅迦波利婆羅闍迦外道品第七  
十三冊三十三葉菩薩見寶會之十三六界  
差別品之一第七十四冊三十四葉菩薩見

寶會之十四六界差別品之二第七十五冊  
三十二葉菩薩見寶會之十五六界差別品  
之三四轉輪王品之一第七十六冊四十三  
葉菩薩見寶會之十六四轉輪王品之二第  
七十七冊五十九葉姚秦三藏法師鳩摩羅  
什譯富樓那會之一菩薩行品多聞品不退  
品第七十八冊四十五葉富樓那會之二具  
善根品神通力品第七十九冊四十八葉富

樓那會之三大悲品答難品第八十冊五十  
四葉。隋北天竺三藏闍那崛多譯護國菩薩  
會之一第八十一冊四十七葉。護國菩薩會  
之二第八十二冊五十九葉。曹魏天竺三藏  
康僧鎧譯郁迦長者會第八十三冊十九葉。  
唐三藏法師菩提流志譯無盡伏藏會之一  
第八十四冊二十一葉。無盡伏藏會之二第  
八十五冊四十一葉。授幻師跋陀羅記會第

八十六冊三十二葉大神變會之一第八十  
七冊二十八葉大神變會之二第八十八冊  
四十二葉元魏優禪尼國王子月婆首那譯  
摩訶迦葉會之一第八十九冊四十七葉摩  
訶伽葉會之二第九十冊三十八葉唐三藏  
法師菩提流志譯優波離會第九十一冊二  
十八葉發勝志樂會之一第九十二冊三十  
二葉發勝志樂會之二第九十三冊三十葉

姚秦三藏法師鳩摩羅什譯善臂菩薩會之  
一第九十四冊二十七葉善臂菩薩會之二  
第九十五冊二十三葉唐三藏法師菩提流  
志譯善順菩薩會第九十六冊二十一葉勤  
授長者會第九十七冊二十六葉優陀延王  
會第九十八冊二十一葉妙慧童女會恒河  
上優婆夷會第九十九冊三十六葉元魏北  
天竺三藏佛陀扇多譯無畏德菩薩會第一



百冊五十七葉西晉居士聶道真譯無垢施  
菩薩應辨會序品聲聞品菩薩品菩薩行品  
授記品第一百一冊四十六葉唐三藏法師  
菩提流志譯功德寶華敷菩薩會善德天子  
會第一百二冊三十六葉隋三藏達摩笈多  
譯善住意天子會之一緣起品第一百三冊  
三十八葉善住意天子會之二開寶義品文  
殊神變品破魔品菩薩身行品第一百四冊

三十六葉。善住意天子會之三。破菩薩相品。  
破二乘相品之一。第一百五冊。四十一葉。唐  
三藏法師菩提流志譯。善住意天子會之四。  
破二乘相品之二。破凡夫相品。神通證說品。  
稱讚付法品。第一百六冊。四十三葉。阿闍世  
王子會。東晉天竺居竺難提譯。大乘方便會  
之一。第一百七冊。三十一葉。大乘方便會之  
二。第一百八冊。三十三葉。大乘方便會之三。

第一百九冊。三十七葉。唐三藏法師菩提流  
志譯。賢護長者會之一。第一百十冊。三十九  
葉。賢護長者會之二。第一百十一冊。五十七  
葉。淨信童女會。元魏三藏菩提留支譯。彌勒  
菩薩問八法會。唐三藏菩提流志譯。彌勒菩  
薩所問會。第一百十二冊。四十九葉。唐三藏  
法師元奘譯。普明菩薩會。第一百十三冊。四  
十一葉。北涼沙門釋道真譯。寶梁聚會之一。

沙門品比丘品梅陀羅沙門品營事比丘品  
第一百十四冊二十七葉寶梁聚會之二蘭  
若比丘品乞食比丘品糞掃衣比丘品第一  
百十五冊三十二葉唐三藏法師菩提流志  
譯無盡慧菩薩會梁三藏曇陀羅仙譯文殊  
師利說般若會之一第一百十六冊三十二  
葉文殊師利說般若會之二第一百十七冊  
五十八葉西晉月氏三藏竺法護譯寶髻菩

薩會之一。第一百十八冊。五十四葉。寶髻菩薩會之二。第一百十九冊。四十二葉。唐三藏法師菩提流志譯。勝鬘夫人會。第一百二十冊。四十五葉。廣博仙人會。無名款。

朕聞佛之道。以化人於善也。而為慮甚周。為慮周故。設教詳。設教詳故。施濟博。佛之仁。其至矣哉。蓋佛之心。以天地萬物為一體。古今幽明為一人。無彼此之間。斯以其慈之周也。慮人之昧。夫真常也。為開喻其性。慮人之溺。夫感業也。為辨詰其幻。藥之德。以養其心。藥之戒。以制其情。藥之誓。以堅其志。藥之懺。以達其悔。斯以其教之詳也。億萬億劫之遠。河

鑑藏寶璽

八重

沙刹土之廣。上。周於三界。下。決於九幽。凡諸有情。衆欲納之。光明清淨之域。斯以其濟之博也。佛之道。其大矣哉。朕承天命。君天下。主神人。夙夜孜孜。蓋欲自家而國。自國而四海。以達於天之所覆。地之所載。日月之所照臨。凡厥有生。皆罔之春風和氣之中。雖九幽之下。亦欲拔其沉滯。出其冥闇。以庶幾為民父母之道。亦佛之心也。開闢是經。有契於中。特命以金書之。萬幾之暇。時一披玩。庶幾心與佛會。而清淨之化。將覃被於遠邇。咸利於爾生。因序其奏。首云。